



# RUDAR

LIST RMU "BANOVIĆI" / OKTOBAR 2016 / BROJ 87 / BESPLATAN PRIMJERAK

## NA POMOLU NOVO UJEDINJENJE RUDARA



POTPISAN UGOVOR ZA  
NABAVKU DROBILICA, RADOVI  
NA TRANSPORTNOM SISTEMU  
TEKU PREDVIĐENOM DINAMIKOM

DRUGI O NAMA  
**OSLOBOĐENJE**

**AKO BI DANAS TREBALA POČETI IZGRADNJA  
NEKE TERMoeLEKTRANE ONDA BI TO PRVENSTVENO  
TREBALA BITI TERMoeLEKTRANA U BANOVIĆIMA**



POTPISAN UGOVOR O NABAVCI DROBILICA ZA TRANSPORTNI SISTEM  
NA POVRŠINSKOJ EKSPLOATACIJI UGLJA

# POSAO DOBIO KONZORCIJU DOMAĆIH KOMPANIJA



Rudnik „Banovići“ i Konzorcij domaćih firmi na čelu sa firmom Deling d.o.o Tuzla u septembru su potpisali Ugovor o nabavi dva drobilična postrojenja potrebna za transportni sistem za odvoz jalovine na PK „Turija“.

U direkciji Rudnika Ugovor su potpisali dr. Munever Čerčić, direktor Rudnika i predsjednik Konzorcija Omer Delalić, direktor kompanije Deling d.o.o Tuzla. Potpisivanju su prisustvovali i drugi učesnici Konzorcija, Almir Zulić direktor TTU „Energetik“ Tuzla, direktor REMEX-a kao zastupnik njemačke firme Takraf na području BiH, kao i direktor Rudarskog instituta Tuzla, Eldar Pirić.

Vrijednost potpisanog Ugovora iznosi 9 miliona KM, a od posebnog je značaja jer je riječ o Konzorciju koji zapošljava domaću radnu snagu.



- Potpisivanjem Ugovora Rudnik nastavlja nabavku neophodne mehanizacije potrebne za rad transportnog sistema za odvoz jalovine, ali i za generalno povećanje kapaciteta proizvodnje. Danas smo potpisali Ugovor za ozbiljan projekat i bitnu kariku transportnog sistema. Želim čestitati i Remex-u, zastupniku firme Takraf za područje BiH, koji će raditi sa našim firmama. Raduje nas zajednički posao i nadamo se uspješnoj saradnji. Ovo je samo dio ulaganja, a kompletni transportni sistem biće završen do kraja 2019. godine u koji će biti uloženo preko 50 miliona KM. Za potrebe podizanja proizvodnih kapaciteta u idućoj godini planira se investirati još 80 miliona KM - rekao je Munever Čerčić, direktor rudnika „Banovići“.

Prema riječima Omera Delalića predsjednika Konzorcija, rad na projektu ima poseban značaj jer će se dokazati da je domaća industrija kadra odraditi najveći dio ovog projekta.



-Mi ćemo na osnovu buznog projekta firme Takraf iz Njemačke uraditi glavni projekat, proizvesti i pustiti u rad postrojenja, dok će Takraf isporučiti potrebne dijelove koji se ovdje ne mogu proizvesti. Na ovom projektu u Konzorciju je angažovano preko 600 ljudi.

od čega skoro 150 inženjera, što je od velikog značaja jer se težiste stavlja na domaću radnu snagu – kazao je Delalić.

Predstavnik firme Takraf Holger Bottcher iskazan je posebno zadovoljstvo zbog ove saradnje, te istakao da spoj mladih ljudi i iskustva koje posjeduje ovaj tim može napraviti veliki posao i da će bez problema u zadatoj vremenskoj distanci Ugovor biti realizovan.

Pokretanjem transportnog sistema znatno će se povećati kapacitet rada na otkrivi, kao i stepen pouzdanosti rada i usklađivanja odnosa proizvodnje uglja i otkrivke.

### RADOVI NA IZRADI TRANSPORTNOG SISTEMA U ODMAKLOJ FAZI

Od mjeseca marta ove godine, kada je potpisan Ugovor za izradu transportnog sistema, pa do sada urađen je značajan posao na realizaciji ovog projekta. Podignute su dvije pogonsko – natezne stanice i

trenutno se montiraju sekcije na kojima će biti postavljena transportna traka, a za potpunu izradu transportnog sistema potrebno je uraditi još jednu pogonsku stanicu.

Treća pogonska stanica ujedno i posljednja bit će postavljena u Čubriću kada se za to steknu uslovi, a osnovni uslov je izrada tunela i platon. Aktivnosti oko izrade tunela već su pokrenute i u fazi je izbor najpovoljnijeg ponuđača za ovaj projekat.

Rudnik „Banovići“ od ranije posjeduje iskoristive elemente transportnog sistema nabavljenog 80-tih godina koji se u Tvornici transportnih uređaja „Energetik“ d.o.o Tuzla reparišu i koriste za montažu novog.

Svi radovi na izradi teku planiranom dinamikom i predviđenim Termin planom navedenim u Ugovoru, a koplektiranje i puštanje u rad transportnog sistema zavisi od vremena isporuke drobilica. Ispravnost transportnog sistema provjerit će i komisija iz Rudnika zadužena za nadzor.





DOBRO OTVOREN POSLJEDNJI KVARTAL U GODINI

## NEOMETAN PROCES PROIZVODNJE, OTKRIVKA DALEKO IZNAD PLANA, UGALJ U PLANIRANIM KOLIČINAMA

**U** rudniku „Banovići“ tokom mjeseca avgusta i septembra tekuće godine proizvedeno je 275.891,4 tona separisanog uglja, što je blagi pad u odnosu na plan. U pomenutom periodu realizovano je i 2.181.946 metara kubnih otkrivke što je znatno iznad planiranih količina.

Ostvarene proizvodnih rezultata u mjesecu oktobra kretalo je bržom dinamikom, te je u toku 22 dana proizvodnja uglja išla oko 8%, a proizvodnja otkrivke 25,7% preko plana, što realno pokazuje da će se do kraja mjeseca ostvariti prebačaji u oba segmenta.

Tendencija nastu proizvodnje nastaviti će se i u narednom periodu, prije svega zbog činjenice da su posljednji mjeseci u godini najproduktivniji i da se upravo u tom dijelu godine proizvodi najviše i nadoknađuju eventualni zaostaci.

Ono što je posebno primjetno kod ostvarenih rezultata jeste proizvodnja otkrivke koja od mjeseca maja bilježi sve veće prebačaje plana, a najviše je realizovano u mjesecu septembru kada je otkrivka dostizala 129,84%, odnosno proizvedeno je 1.121.411 metara kubnih čvrste mase. Od početka godine do 22. oktobra realizovano je 9.439.750 metara kubnih čvrste mase i do kraja godine zasigurno će dostići, pa i prebaciti planirane količine od 11.500.000 otkrivke. Poznato je da se stabilnost rudarskih preduzeća

zasniva na količinama otkrivenog uglja, te se stoga za sigurnošću može reći da rudnik „Banovići“ za naredni period ima stabilne temelje za proizvodnju uglja.

Iako je proces proizvodnje u prvom polugodištu nailazio na određene probleme, što je negdje i očekivano uzima li se u obzir nestabilni vremenski uslovi tokom zimskih i proljetnih dana, s drugim dijelom godine došao je period stabilizacije.

Posljednjih mjeseci Rudnik ostvaruje sve bolju proizvodnju, ima dovoljno raspoložive mehanizacije, a na ruku za sada idu i vremenski uslovi što bi trebalo biti sasvim dovoljno da do kraja godine proizvodni proces teče neometano.



SLJEDOM POZITIVNIH ISKUSTAVA POKRENUT  
REMONT BAGERA EKG 2

## U NAREDNOM PERIODU OČEKUJE SE POVEĆANJE UTOVARNIH KAPACITETA NA PK „TURIJA“

Nakon montiranja i puštanja u rad bagera EKG 1, njegove isplativosti i neometanog rada, ovih dana krenulo se u opravku i drugog EKG bagera smještenog na površinskom kopu „Turija“. Bager je iz proizvodnog procesa isključen 2011. godine, a da bi se ponovo vratio u funkciju potrebno je između ostalog izvršiti opravku bočnih reduktora transporta, zamjenu rolnog kruga i pogonske zvijezde, te niz drugih izraubovanih dijelova oštećenih dugotrajnim stajanjem.

Za poslove opravke formiran je tim ljudi koji bi radove na bageru trebao završiti relativno brzo. To su radnici koji su radili na opravi EKG 1 bagera, a koji su uglavnom zaduženi i za cjelokupno održavanje opreme u pogonu „Površinska eksploatacija uglja“.

Obim poslova ovoga puta nešto je manji jer je bager u boljem stanju, a poučeni ranijim iskustvom radnici brže djeluju na otklanjanju problema.

Nakon osposobljavanja bager će se uključiti na utovar uglja dok će hidraulični bager većeg kapaciteta koji trenutno vrši utovar biti prebačen na proizvodnju otkrivke, čime će na površinskom kopu „Turija“ u radu biti pet bagera.

Oko pola miliona konvertibilnih maraka koštala je nabavka potrebnih dijelova za bager EKG 2, koji će se sigurno isplatiti i imati značajnu funkciju u proizvodnom procesu posebno u periodu dok se čeka isponuka dva hidraulična bagera, koji na površinske kopove trebaju stići početkom naredne godine.



**OSLOBODENJE** DRUGO IMENA  
12. OKTOBAR 2018. GODINE

ISPLATIVIJA IZGRADNJA BLOKA 1 TE BANOVIĆI

## UMJESTO ZAMJENE DOTRAJALIH POSTROJENJA NOVIM BLOKOM 7 TE TUZLA, ISPLATIVIJA JE IZGRADNJA BLOKA 1 TE BANOVIĆI

Ako bi danas trebala početi gradnja neke termoelektrane u BiH, onda bi to prvenstveno trebala biti Termoelektrana Banovići Blok 1 od 350 MW, kažu stručnjaci iz elektroenergetskog sektora.

U narednih pet-šest godina u FBiH morat će se, što zbog dotrajalosti što zbog obaveza spram Evropske energetske zajednice, ugasiti postojeći blokovi termoelektrana, čime će se zapravo ispuniti uslovi da se u našu zemlju počne uvoziti električna energija kako bi se zadovoljile osnovne potrebe postojećih kućaća. Trenutno se planira zamjena postojećih, dotrajalih postrojenja sa novim Blokom 7 Termoelektrane Tuzla iako stručnjaci iz elektroenergetskog sektora smatraju kako bi daleko pametnija, brža i isplativija bila izgradnja Bloka 1 potpuno nove TE Banovići, čija je izgradnja također planirana.

Ako pokušamo uporediti ta dva projekta na osnovu dostupnih informacija iz Studija izvodljivosti TE Banovići i TE Tuzla, kao i na osnovu potpisanih ugovora sa ugovaračima snaga po generatoru bloka u TE Tuzla je 450, a u TE Banovići 350 MW. No, vrijednost osnovne investicije u slučaju bloka u Tuzli je 786,3 miliona eura, a u Banovićima 412,4 miliona eura. Dakle, blok termoelektrane u Banovićima jeftiniji je od tuzlanskog za 373,9 miliona eura, što i

nije baš mala razlika. I za jedan i za drugi projekat već imaju ugovoreni kreditni angažman sa kineskim investitorima, s tim da je trajanje kredita u slučaju Banovića četiri godine gracie perioda plus jedanaest godina oplate, a u slučaju Tuzle pet godina gracie perioda i 15 godina oplate. Kamatna stopa je 2,2 posto plus šestomjesečni euribor u slučaju Banovića, odnosno 2,3 posto plus šestomjesečni euribor u slučaju Tuzle.

Radno vrijeme pod punim opterećenjem u TE Banovići je 7.300 sati godišnje, a u TE Tuzla 6.720 sati godišnje. Potrošnja uglja u slučaju bloka u Banovićima je 203 tone po satu, dok je u slučaju bloka u Tuzli 395 tona. Pored svega tu je i period izgradnje blokova. Za blok TE u Banovićima potrebno je 40 mjeseci, a za blok TE Tuzla 56 mjeseci.

Osim toga, TE Banovići ima i brojne druge prednosti nad Tuzlom. Nosilac projekta u Banovićima je Rudnik mrkog uglja, a u slučaju Tuzle Elektroprivreda BiH. Banovićka termoelektrana bila bi, dakle, smještena u neposrednoj blizini Rudnika, pri čemu su u krugu od četiri kilometra oko Rudnika smješteni svi neophodni izvori resursa, što će znatno uticati na cijenu transporta uglja, vode i drugih materijala. Isplativost investicije u Banovićima na osnovu svih parametara iznosi 13,57%, dok u slučaju TE Tuzla iznosi 6,95%. Zbog



toza je, uostalom, i predviđena proizvodna cijena električne energije iz Bloka 1 TE Banovići 42,5 eura po MWh, a iz Bloka 7 TE Tuzla 54,9 eura po MWh.

U slučaju Banovića pored termoelektrane gradila bi se i cementara, a sve bi bilo smješteno u centralnom dijelu postojećeg ugljenog bazena (Vijenac, Ostrići, Brezova glava, Ramići, Turija, Čubrići i jama Omazići) koji je izolovan od gradske zone, za razliku od, recimo, Bloka 7 TE Tuzla. Zbog toga u Rudniku Banovići s ponosom ističu i ekološke prednosti Bloka 1.

Direktiva EU 2010-75 propisuje maksimalni iznos prašine do 10 mg/Nm<sup>3</sup> u slučaju postojećih i novih termoelektrana, zatim iznos SO<sub>x</sub> između 150 i 200 mg/Nm<sup>3</sup>, te maksimalni iznos NO<sub>x</sub> do 150 mg/Nm<sup>3</sup>. S druge strane, postojeće termoelektrane u FBiH emituju sada oko 60 mg/Nm<sup>3</sup> prašine, 470 mg/Nm<sup>3</sup> NO<sub>x</sub>, te oko 6.000 mg/Nm<sup>3</sup> SO<sub>x</sub>. Pri tome, postojeća nova TE Stanari ima sljedeće parametre: 30, 200 i 200 mg/Nm<sup>3</sup>, dok su za TE Banovići planirani parametri 45 mg/Nm<sup>3</sup> za prašinu, 30 mg/Nm<sup>3</sup> za SO<sub>x</sub> i 150 mg/Nm<sup>3</sup> za NO<sub>x</sub>.

Novoizgrađeni termoblok u Banovićima zadovoljit će sve norme, propise i direktive EU, kako u pogledu ispunjenja zahtjeva vezanih za granične vrijednosti emisija, odnosno zahtjevu zaštite životne sredine tako

i u pogledu ispunjenja uslova energetske efikasnosti. Dakle, čak i u slučaju da se u narednom periodu pooštire standardi i propisi EU, nova TE Banovići bi ispunila te zahtjeve. Koliko je to bitno, svjedočit ćemo svi u BiH veoma brzo, zapravo čim počne grijanje i padne prvi snijeg. Podsjetimo se da se u zimskim mjesecima bukvalno svi u BiH gulimo zbog raznih emisija štetnih plinova. Zbog toga baš i nije naodmet malo razmisliti i o ekološkoj poziciji svakog projekta prije nego se uopće krene sa izgradnjom. No, projekt TE Banovići nailazi na političke probleme, a ne na ekonomske ili pak ekološke.





**BUSINESS** DRUGI NAJAM  
MAGAZINE AVGUST 2018. GODINE

# INTERVJU DR. MUNEVERA ČERGIĆA ZA BH BUSINESS MAGAZINE



Od 2004. godine, kada dr. Munever Čeragić staje na čelo RMU „Banovići“ d.d. Banovići zabilježena je konstantnost uspješnog poslovanja Rudnika. Poslovni rezultati manifestuju se i modernizacijom proizvodnog ciklusa, nabavkom najsavremenijih strojeva, te zapošljavanjem velikog broja novih radnika, što umnogome utiče na općedruštveni razvoj općinskog područja, TK i makro okruženja.

Koji poslovni rezultati su obilježili protekle i kojom dinamikom se realizuju planske aktivnosti u dosadašnjem periodu ove godine, neka su od pitanja na koje je odgovorio direktor dr. Munever Čeragić, prvi čovjek menadžmenta jednog od najuspješnijih bosanskohercegovačkih privrednih subjekata.

**Koja su osnovna obilježja poslovanja Rudnika u posljednjem periodu?**

Krajem 1998. godine Rudnik se izdvojio iz RU „Kreka“ i nastavio poslovati kao RMU „Banovići“ što je bila prekretnica za njegov razvoj, nakon čega se uz pomoć tadašnje Vlade FBiH kreće sa osposobljavanjem preduzeća kupovinom pet najsavremenijih damper kamiona.

U 2004. godini otvara se nova stranica historije Rudnika. Krajem maja održana je prva Skupština dioničara na kojoj je donesena Odluka o organizacionoj transformaciji u dioničko društvo,

kojom je država postala vlasnik 69,3% kapitala, a mali dioničari 30,7% kapitala Društva. Rudnik „Banovići“ tako postaje prvi i jedini rudnik u BiH čiju strukturu kapitala čine državni i privatni kapital, te počinje nizati pozitivne poslovne rezultate. Zahvaljujući takvim poslovnim rezultatima Rudnik je prepoznatljiv i u široj regiji, te postaje prva rudarska firma koja je ušla u članstvo Evropske asocijacije rudnika. Tačnije, u maju 2005. godine u Briselu potpisan je protokol o pristupanju RMU „Banovići“ d.d. Banovići u članstvo najuglednije i najpriznatije institucije u oblasti energetike u Evropi.



**Kakva je tehnička opremljenost Rudnika i koliko je sredstava investirano u novu opremu?**

Kako je pomenuto od 2004. godine kreće ekspanzija Rudnika kada počinju i značajnija ulaganja. Od tada su sve snage usmjerene na investiranje i nabavku nove opreme. U periodu od 2004. godine do kraja 2017. godine investirano je oko 194.162.638 KM. Nabavljeni su kamioni, bageri, savremeno mehanizovano široko čelo, utovarivači, rovokopači, dizalice, buldožeri, grederi, grabuljasti i trkasti transporteri, kombijni i ostala potrebna oprema.

Velika investiranja u opremu pokrenuta su i u 2018. godini. U toku su radovi na izradi transportnog sistema za odvoz jalovine na površinskom kopu „Turija“, potpisan je Ugovor za nabavku dva hidraulična bagera





Liöberr zapremine kašike 18 metara kubnih. Ugovor za nabavku mašine taložnice, te Ugovor za nabavku drobilica za potrebe transportnog sistema.

Nabavljena su i dva kombajna u „Podzemnu eksploataciju uglja“, a u svrhu povećanja proizvodnih kapaciteta ovog pogona u planu je nabavka još jednog mehanizovanog širokog čela.

Poznato je da rudnik „Banovići“ radi sa savremenom tehnologijom i da je humanizacija rada prioritet ovog kolektiva. Svakodnevno se radi na edukaciji i osposobljavanju kadrova, nabavljanju savremene radarske opreme, a najbolji dokaz za to je i potpuni prelazak sa polumehanizovanog na mehanizovani način otkopavanja uglja u podzemnoj eksploataciji uglja, te korištenje najsavremenijih mašina i opreme u površinskoj eksploataciji uglja.

**Kakvi su poslovni rezultati u protekloj i kojem dinamikom se realizuje planska proizvodnja u dosadašnjem periodu ove godine?**

U 2017. godini rudnik „Banovići“ ostvario je dobit u iznosu od oko 6,1 milion KM, te četnaestu godinu za redom završio pozitivnim poslovnim rezultatom sa ostvarenom ukupnom dobiti u iznosu od 44.159.946 KM.

U prethodnoj godini ostvarena je proizvodnja uglja u iznosu od 1.579.294 tona, dok je realizacija otkrivske iznosila 11.324.503 metara kubnih čvrste mase.

Posmatrajući ostvarene proizvodne rezultate u tekućoj godini može se reći da idu ustaljenom dinamikom prateći godišnji plan Rudnika.



**Kakva je uloga Rudnika u općedruštenom razvoju općine Banovići?**

Lokalna zajednica i rudnik „Banovići“ praktično su jedna cjelina. Nastanak općine isključivo je u vezi sa nastankom Rudnika, jer tek od 1946. godine na ovim prostorima došlo je do izgradnje urbanog dijela, odnosno nastanka radarskog grada koga trenutno čini 17 mjesnih zajednica. Danas skoro 50% ukupnog budžeta Općine na određeni način je u vezi sa Rudnikom.

Od 2004. godine kada je Rudnik doživio svoj procvet praćen značajnim uspjehom izvršen je prijem velikog broja radnika, što se odrazilo i na cjelokupnu lokalnu zajednicu, obzirom da većinu radnika čine građani banovičke općine. Prosjeck primanja banovičkih rudara uključujući regres, višak i topli obrok iznosi 1.300 KM, što je u ovom pogledu općinu Banovići dovelo na sam vrh u Tuzlanskom kantonu.



Značajno je istaći i to da je rudnik „Banovići“ ubjedljivo najveći platiša doprinosa u TK, što ga je plasiralo i na „bijelu listu“ poreznih obveznika.

**Koji su osnovni razlozi za nastanak ideje o izgradnji Termoelektrane u Banovićima?**

Realizacijom projekta izgradnje Termoelektrane u Banovićima dobili bi najmoderniji blok po pitanju ekoloških parametara koji su već ugovoreni sa kompanijom Dongfeng Electric Corporation, a koji su oko pet puta strožiji od parametara koji se trenutno primjenjuju u EU na novim termoelektranama.

U proteklih 15 godina prosječna proizvodnja u RMU „Banovići“ iznosila je približno 1.500.000 tona uglja na godišnjem nivou. Veći dio iskopanog uglja, skoro 70% ili prosječno 1.000.000 tona godišnje, različitog isortiranja i različite kalorične moći plasira se u TE Tuzla koja kao pogensko gorivo na bloku 6 koristi isključivo tzv. Mrki II ugalj iz rudnika Banovići i Durđevik.

Kada je EP BiH u svojim planovima nagovijestila izgradnju bloka 350 MW na lignit u Tuzli, postalo je očigledno da od 2026. godine, kada bi po tadašnjim

planovima u EP BiH trebao prestati sa radom i posljednji blok na lokaciji sadašnje TE Tuzla, neće više biti plastmana Mrkog uglja u TE Tuzla. Insistiranjem na zajedničkim sastancima i razgovorima na temu ulaznog energenta za nove blokove u Tuzli, Uprava rudnika „Banovići“ pokušala je da promijeni ovu, za grad Banoviće i Rudnik, vrlo nepovoljnu i nelogičnu poslovnu odluku EP BiH. Kako je EP BiH imala nepromijenjen stav da će se novi blokovi graditi isključivo na lignit Uprava RMU „Banovići“ donijela je Odluku i otpočela aktivnosti za izgradnju termobloka u Banovićima snage 350 MW, koji bi koristio ugalj iz rudnika Banovići i Durđevik.

Donošenjem Odluke o izradi dokumentacije i izgradnji elektrane snage 350 MW u Banovićima stvoreni su uslovi za definisanje faktora razvoja grada Banovića i rudnika „Banovići“ nakon zatvaranja starih termoblokova na lokalitetu TE Tuzla. Drugim riječima osiguran je kontinuitet u radu i razvoju, a uspješno poslovanje Rudnika već decenijama temelj je općedruštvene stabilnosti ove lokalne zajednice.

**Kojom dinamikom se realizuje projekat izgradnje Termoelektrane u Banovićima?**

Termoelektrana u Banovićima mogla je biti završena tokom ove, pa čak i 2017. godine, jer je Ugovor sa kineskim partnerom kao izvođačem radova, potpisan u novembru 2015. godine. Nakon toga smo pristupili razgovorima sa bankama i sa kineskim bankama uspjeli obezbijediti 85% sredstava, te osiguranje u iznosu od nešto više od 30 miliona eura, tačnije 5,3% u odnosu na ukupnu vrijednost. Kineska Vlada dala je saglasnost na ovaj projekat i na sredstva kineskih banaka u navedenom periodu. Dok su trajali pregovori, razgovore smo vodili i sa predstavnicima domaćih banaka, ali nisimo imali razumijevanja od Vlade FBiH i taj posao nisimo uspjeli završiti, bez obzira što smo imali dva konzorcija i to jedan na čelu sa Unicredit bankom, koja je odustala u zadnjem



trenutku prije donošenja konačne odluke i drugog konzorcija napravljenog uz prijedlog savjetnika Vlade FBiH, na čijem čelu je bila BBI banka.

Obzirom da je ovo izborna godina smatram da se započeto neće moći završiti do kraja godine. Ono što mi očekujemo od Vlade FBiH jeste da oformi komisiju za analizu ugovora sa kineskom stranom i da se da saglasnost od strane Vlade FBiH, jer je obavezana zaključcima i Odlukom Parlamenta Federacije BiH, da zajedno sa Ministarstvom industrije, energetike i rudarstva, te Ministarstvom finansija i Upravom Rudnika to privede kraju. U narednih mjesec dana očekujemo da Vlada FBiH pristupi odobravanju 85% kineskih sredstava iz razloga ako se to ne završi do oktobra kineska strana morat će ponoviti proceduru.

Niko od nas ne bi želio da se to desi jer su pisma namjere od Vijeća ministara BiH upućena kineskom Premijeru, sa molbom za podršku realizacije projekata Bloka 7 u Tuzli i Bloka 1 u Banovićima dobila pozitivan odgovor. Bilo bi krajnje neposlovno i neprofesionalno da Vlada FBiH ne završi odobravanje, obzirom da je prethodnih godinu dana insistirano od kineske Vlade da završe preuzeti dio obaveza, što su i uradili.

Što se tiče obezbjeđenja 15% sredstava to se može završiti u roku od petnaest dana pod uslovom da Vlada FBiH želi potpisati ugovor. U toj varijanti bi već mogli krenuti u završno potpisivanje ugovora i izdavanje garancije, nakon čega bi u roku od tri mjeseca mogao biti položen kamen temeljac za realizaciju projekta.

Zbog svega pomenutog, ali i zbog toga što je kineska strana do sada potrošila značajna sredstva, urađen je izvedbeni projekat i isti je spreman za reviziju. Što omogućava da i mi možemo pristupiti reviziji i notifikaciji, te podnijeti zahtjev za izdavanje građevinske dozvole i početak gradnje.

Ako Vlada FBiH ipak ne uradi ono što je u njenoj nadležnosti, mi ćemo se, zajedno sa kineskim partnerom potruditi da ovaj projekat ostane aktuelan kineskoj Vladi, da oni krenu u ponovljenu proceduru u uvjerenju da će nova Vlada FBiH imati više razumjevanja za energetski sektor, odnosno realizaciju projekata o kojima je riječ i da će oba bloka početkom iduće godine biti u fazi izgradnje.

**Zbog čega je bitno što prije početi sa gradnjom novih blokova?**

U slučaju da se ne izvrši odsumporavanje Blokova termoelektrana, 2024. godina krajnji je rok do kojeg se moraju uraditi Blok 7 u Tuzli, Blok 1 u Banovićima i Blok 8 u Kaknju, kako bi nesmetano, nakon 2024. godine mogli proizvođati dovoljne količine električne energije za domaće tržište, te određeni dio za izvoz.

**U kojoj je fazi realizacija projekta Cementare u Banovićima?**

Pored objekta Termoelektrane, uporedo se radi i na projektu Cementare, koji će se realizovati drugačijim postupkom, gdje je Zakonom propisano da Rudnik zajedno sa Agencijom za privatizaciju FBiH provede potrebnu proceduru. Procedura je realizovana i očekuje se odluka Vlade FBiH kojom bi se odobrio postupak zajedničkog ulaganja sa ino kompanijom. Ostvareni su kontakti sa jednom njemačkom i jednom turskom firmom, te se očekuje da će uskoro biti raspisan tender za traženje investitora za ovaj objekat.

Što se tiče potrebne dokumentacije, odnosno okolinske i urbanističke saglasnosti, iste su već dobijene. Idejni projekat je završen i samim je izvjesno da će početkom iduće godine biti potpisani ugovori i za projekat Cementare.



SINDIKALNA STRANA

# „RUDARIJADA 2018“

## *Druženje na višem nivou od sportske manifestacije*



Rudničke sportske igre pod nazivom „Rudarijada 2018“ koje su održane u mjesecu septembru u Banovićima predstavljaju sportska manifestacija jednogodišnjeg okupljanja rudara organizovanih u gradske sindikate.

Međutim, ova sportska manifestacija, kojoj je pored 13 ekipa sa oko 360 učesnika, prisustvovao veliki broj predstavnika zakonodavne i izvršne vlasti, te predstavnika kulturno-sportskog i privrednog života FBiH bila je i prilika da predstavnici rudara pregovore u sudbini kolektiva u kojima obezbjeđuju vlastitu egzistenciju.

Rudarski sektor koji čini osam rudnika u FBiH i koji zajedno sa EP BiH predstavlja energetske sektor i osnovu privrednog razvoja cjelokupne FBiH nalazi se na marginama interesovanja Vlade FBiH kao 100% ili većinskog vlasnika u ovim kolektivima.

Šta više, ispolitiziranost Vlade FBiH dovela je do apsurde situacije da Vlada FBiH svojim Odlukama iz energetskog sektora, kao realnog sektora, uzima ostvarenu dobit za „kopljenje“ budžetskih „rupa“ dok rudnici grcaju u gubicima.

Pored toga, ispolitiziranost najodgovornijih u ovoj instituciji ide do te mjere da su spremni pojedine rudnike dovesti u fazu nelikvidnosti, te obustaviti izgradnju energetskih objekata što bi dovelo do ekonomskog kolapsa države BiH, zbog čega su rudari morali dići svoj glas.

**Zijad Lačić - predsjednik Skupštine SO RMU „Banovići“ d.d. Banovići**

*„Vlađe je država u tri hiljade rudara nego u pet egzističnih političkih pojedinaca“*

U ime domaćina Sindikalne organizacije RMU „Banovići“ d.d. Banovići ovom prilikom prisutne je pozdravio predsjednik Skupštine SO Zijad Lačić, koji je poslao uvodnih pozdrava između ostalog rekao:

*„Rudnik „Banovići“ koji bolječi izvanne poslovne rezultate i koji je u proteklih 14 godina uložio u humanizaciju rada nabavivši nove visokoproduktivne upreke preko 150 miliona KM, postao je primamljiv plijen pojedinih političkih elita. Rudnik je 70% vlasništvo FBiH i nije ničije privatno vlasništvo. Zato i sa političkim elitama poručujem da je više države kod nas 3000 zaposlenih i članovima naših porodica nego u pet egzističnih političkih pojedinaca, koji sebe nazivaju državom. Nijedna politika neće više nikada ovaj kolektiv garantovati u prvom redu jer će im se na tom putu naći manje od 3000 zaposlenih sa našim porodicama, a signaturu saće da će nam u tome pomoći i ostali građani Banovića.“*

**Dr. Safer Mušanović - predsjednik Samostalnog sindikata rudara u FBiH**

*„Rudari zajedničkih snagama moraju pokrenuti sve projekte“*

U svom obraćanju dr. Safer Mušanović, predsjednik Samostalnog sindikata rudara u FBiH, koja je i organizator ovih sportskih igara, poručio je da svi rudari u FBiH imaju isti cilj, a to je obezbjeđenje egzistencije svojim porodicama. Problemi rudara su identični i njihovi ciljevi su identični. Rudari u FBiH moraju zajedničkim snagama pokrenuti sve projekte kako bi obezbijedili svoju egzistenciju i dugotrajn opstanak rudnika, naglasio je Mušanović.

**Sinan Hasić - predsjednik Samostalnog sindikata rudnika rudnika uglja u FBiH**

*„Rudarima u FBiH treba jedinstvo kao nikada do sada“*

Po prvi put kao predvodnik Samostalnog sindikata rudnika uglja FBiH prisustvovao je i predsjednik Sinan Hasić koji je u svom obraćanju istakao: „Rudarima u FBiH

*kao nikada do sada treba jedinstva, na kome ćemo od početka naredne godine intenzivno raditi. Zajednički projekti svih rudara su Blok 7 u Tuzli bez koga nema opstanka najvećeg rudnika „Kreka“. Bez termoelektrane u Banovićima nema opstanka rudnicima Banovići i Durđević, kao što nema opstanka rudarima iz Srednjobosanskog kantona bez izgradnje Bloka 8 u Kakanju. Svi ovi projekti su naši zajednički i zajedno se moramo boriti za realizaciju istih. Rudnicima trebaju sredstva za protjevanje kapitala te obezbijediti egzistenciju svojim porodicama. To je naš prioritet a ne privatizacija. Na taj način poboljšat ćemo naš standard koji nije na zadovoljavajućem nivou“, rekao je između ostalog Husić i rudarima poželio puno sportske sreće.*

**Dr. Munever Čerčić - direktor RMU „Banovići“ d.d. Banovići**

*„Projekat izgradnje TE Banovići opstiraun je od onih koji su ga trebali podržati“*

U ime generalnog pokrovitelja RMU „Banovići“ d.d. Banovići obratio se **dr. Munever Čerčić**, direktor ovog kolektiva. Nakon uvodnih pozdrava direktor Čerčić ukratko je elabourirao proces izgradnje termoelektrane u Banovićima koji je došao u završnu fazu, ali je opetuznan od strane onih koji su ga trebali podržati. Kao privrednik koji uspješno vodi svu kompaniju već 14 godina, dr. Čerčić vidio je razočaran u postupke Federalnog premijera Fadila Novalija koji je javno izjavio da rudnik „Banovići“ treba dovesti u fazu nelikvidnosti neprimanjem uglja u TE Tuzla. Na taj način bi se stvarilo nezadovoljstvo kod gotovo 3000 rudnika.

*„To je neprihvatljivo od jednog Premijera koji i pored Odluka Parlamenta ne provodi postupak izdavanja garancije na 15% sredstava koje bi trebali obezbijediti kod komercijalnih banaka. Iako je već potrošeno preko 10 miliona KM naših sredstava i preko 20 miliona KM sredstava domaćih izvođača u konsenzusnoj smo polulackoj blokadi ovog projekta. I dok domaći izvođači misle da se radi o ozbiljnosti naših državnih predstavnika, jedni od njih zapostavljaju svoje državne funkcije, iako je ovo državni projekat, a drugi zadovoljavaju svoju vlastitu tajnu i ego. Ovaj projekat će se sigurno graditi, pitanje je vremena i kojih ljudi koji će znati prepoznati državne interese, a sigurno će niko i odgovoriti zbog svojih postupaka kojima se direktno ugrožavaju energetska sektor BiH“, rekao je na kraju dr. Čerčić.*

**Dr. Nevad Ikanović - Izvršni direktor za protjevanju u EP BiH**

*„Sa proizvodnjom od sedam miliona tona uglja rudari zaslužuju više respekta“*

Ovo sportsko manifestaciju zvanično je otvorio Izvršni direktor za protjevanju u EP BiH **dr. Nevad Ikanović** koji je pored sportske sreće zaključarima, u svom govoru, iznio i nepobitnu činjenicu da bez rudarstva nema opstanka energetskog sektora.

*„Proizvodnja od 7 miliona tona uglja u 2017. godini dovoljna je razlog da se prema rudarima iskaze više respekta. Mi moramo podržati i obnoviti izvore električne energije, ali bez razvoja rudarskog sektora koji je u svako doba godine spreman dati električnu energiju, bez obzira na vremenske i klimatske prilike, nema opstanka energetskog sektora. Mi moramo graditi sve ove termoelektrične objekte u kojima je govoreno kao ekološki prihvatljivim, sa većim stepenom iskoristivosti jer samo na taj način očuvati ćemo energetska i sektor, ali i povećati standard rudara“, istakao je dr. Banović.*

Judeći prema naprijed navedenom, uz uzalozavanje historijskih činjenica, rudarska populacija predstava značajan korektivni faktor vladajućih političkih opcija, ne samo u BiH nego i u mnogim zemljama u svijetu. Zbog toga su svi politički procesi koji su bili na čemu rudara, kao i ovostara, isali podjeft rudara. Posljednji put takav scenario sa rudarima desio se prilikom osnivanja Konzerna gdje je politika razjediniila rudare u dva granska sindikata, prihvatili su naklonost rudara u 7 rudnika u FBiH koji su greali u gubitcima i u tim okolnostima Konzern vidjeli kao „obezam zemlju“.

Nakon nešto više od 9 godina Konzerna, izvan koga je zbog svojih specifičnosti ostao samo rudnik „Banovići“, sa sigurnošću se može tvrditi da je bio politički a ne privredni projekat koji je doživio svoj kraj. Rudari su i dalje na rubu egzistencije iako je broj zaposlenih u tim rudnicima smanjen za preko 4000 radnih mjesta. Pored toga, dugovanja ih rudnika koja se mjere u stotinama miliona maraka predstavljaju nesolovlje put izlaska „na zeleno gravo“, što u završnici može dovesti i do stečaja nad tim kolektivima.

Pažnost ili bolje reći blokada izgradnje ni energetska objekta, Bloka 7 u Tuzli, Bloka 8 u Kakanju i Bloka 1 u Banovićima, od strane oduševljenih politika, nadležnih institucija i Vlade FBiH u potpunosti narušava sigurnost rudarstva FBiH.

Nim li rudari konačno shvatili igre vladajućih političkih struktura i udalčio kymali u ujedinjenje radi vlastitog opstanka vidjet će se u skorijoj budućnosti. Do tada „bjezb na nekom teru“ i dalje će na najbolji način opisivati rudarski zamet.



PODZEMNA EKSPLOATACIJA UGLJA

## MONTIRAN I U PROBNI RAD PUŠTEN KOMBAJN AM-50 Z-W



Sredinom tekuće godine u sklopu investicionih ulaganja u pogon „Podzemna eksploatacija uglja“ stigla su dva kombajna za izradu jamaških prostorija. Za ovu nabavku Rudnik je investirao 3.200.000 KM.

Montaža kombajna AM-50 z-w pristupila se početkom ovog mjeseca da bi već 09. oktobra pušten u probni rad u transportnoj prostoriji otkopog polja Z8, odnosno u novom otkopnom polju gdje će početkom slijedeće godine biti prebričeno mehanizovano široko čelo.

Drugi kombajn R-130 nalazi se na vanjskom krugu JUG 3 i planirano je da se montira tek nakon priprema za izradu glavnog transportnog niskopa JUG 4. Izgradnja niskopa dužine 1.330 metara počeo će u proljeće naredne godine i trajat će oko godinu i po dana. Do tada je potrebno izvršiti eksploataciju zemljišta i nabavku podgrade, dok je ostala potrebna oprema već ranije obezbijedena. Na ovaj način poboljšat će se provjetravanje jame i osigurati izvoz uglja na Draganju odakle će se koristiti za potrebe buduće Termoelektrane u Banovićima.

Savremenizacija i opremljenost jame, u punom jeku, nastavit će se i naredne godine kada će biti pokrenuta procedura za nabavku još jednog mehanizovanog širokog čela, sa kojim će se stići uslovi da se proizvodnja iz jame poveća na planiranih 750.000 tona rovnog uglja.

Široko mehanizovano čelo, koje je nabavljeno 2013. godine, od avgusta ove godine radi na eksploataciji uglja iz otkopnog polja Z13 i tu je već peto polje eksploatisano mehanizovanim načinom. Po završetku eksploatacije ovog otkopnog polja, koje je planirano krajem januara naredne godine i nabavke potrebnih rezervnih dijelova, pristupit će se remontu čela kako bi bilo u potpunosti spremno za rad u novom otkopnom polju Z8.

Kada je u pitanju proizvodnja jamaškog uglja u dosadašnjem dijelu godine ona je u okvirima planirane, a na godišnjem nivou iznosi 577.500 tona, što znači da je optimalna dnevna proizvodnja oko 2.000 tona. Prema riječima rukovodstva ovog pogona godišnji plan biće realizovan ukoliko ne bude većih nepredviđenih zastoja, jer se na vrijeme radi na pripremanju i zamjenama svih dotrajaših dijelova opreme potrebne za rad u jami.

Upravo sa aktivnostima na ostvarenju zacrtane proizvodnje i otkopavanju novih polja radi se i na istraživanju Sjevernog revira, odnosno istražne prostorije IP-1 koja bi trebala biti završena do kraja tekuće godine. Za narednu godinu planirano je istražiti prostorije IP-3 i IP-4 čime bi se završila istraga Sjevernog revira i stvorila mogućnost formiranja otkopnih polja u kojima će biti montirano novo mehanizovano čelo.



NOVE PROCEDURE – JAVNO DOSTUPNI PODACI O PROMETU NEKRETNINA U BANOVIĆIMA

# U PROCEDURI 60 PREDMETA

Uvid u podatke o prometu nekretnina koje se prometuju na području općine Banovići od oktobra javno je dostupan putem interneta i web platforme „Javni uvid u Registar cijena nekretnina Federacije Bosne i Hercegovine“. Ovo je jedinstvena evidencija tržišta nekretnina u FBiH kojoj je pristupila općina Banovići zajedno sa još 62. lokalne zajednice.

## Transparentnije tržište nekretnina

- Svaki projekat koji predstavlja napredniji i transparentniji način rada općinskih službi i komisija podržavamo - kazao je načelnik Mišhat Husić i dodao da se kroz projekat uspješno saraduje sa Poreznom upravom koja je nosilac većeg dijela posla.

Projekat predstavlja novi i transparentniji način rada općinskih komisija za utvrđivanje prometne vrijednosti građevinskih objekata i zemljišta u saradnji sa Poreznom upravom i službom za Opću upravu, geodetske i imovinsko - pravne poslove i katastar, što podrazumijeva elektronsku evidenciju i unos podataka iz kupoprodajnih ugovora koji se odnose na cijenu, površinu i vrstu nekretnine. Lični podaci kupca i prodavca nekretnine bit će zaštićeni, a

lokacija prikazana na pregledniku bit će približno određena i informativnog karaktera, te neće odavati stvarnu lokaciju nekretnine u svrhu zaštite ličnih podataka.

Uspostava Registra cijena nekretnina u Banovićima ima značajan doprinos u realnijem i pravednijem utvrđivanju poreznih osnovica za obračun poreza na promet nekretnine i ujednačavanju rada općinskih komisija za procjenu nekretnina. Ovo ujedno znači i veću mogućnost za plansko praćenje i analizu tržišta nekretnina.

Komisije za utvrđivanje prometne vrijednosti građevinskih objekata i zemljišta općine Banovići u saradnji su Poreznom upravom ovaj projekat uspješno realizuje već dva mjeseca i do sada je po novom načinu u proceduri preko 60 predmeta.

Cijeli projekat rezultat je saradnje Federalne geodetske uprave i imovinsko-pravnih poslova, Porezne uprave FBiH i jedinica lokalne samouprave kroz projekat „Izgradnja kapaciteta za unaprjeđenje zemljišne administracije i procedura u Bosni i Hercegovini“ (CILAP) i finansiran je donatorskim sredstvima Vlade Kraljevine Švedske.

Grad / Općina:

Vrsta nekretnine:

Vremenski period:

Odatraži krajnji datum

Raspon cijena:





# VRIJEDNOST RADOVA 145.000 MARAKA

Svečanim presjecanjem vrpce, premijer TK Jakub Suljkanović, ministar MUP-a Tuzlanskog kantona Hussein Topčević, općinski načelnik Midhat Husić i načelnik Policijske uprave Banovići Midhat Dobenjić otvorili su novoobnovljenu zgradu PU Banovići. Vlada Tuzlanskog kantona u ovaj projekat uložila je 145 hiljada maraka, od čega 135 hiljada KM u rekonstrukciju zgrade dok je 10 hiljada KM uloženo u nabavku kancelarijskog namještaja. Ovaj čin doprinjet će da operativnost Uprave policije bude na još većem nivou što će utjecati na veće poštivanje ljudskih prava i sigurnosti građana, istaknuto je na svečanosti.

## Nakon 16 godina vraćena Policijska uprava

Uzimajući u obzir broj stanovnika na području općine Banovići, teritorijalni položaj i druge parametre koji utiču na sveukupno stanje sigurnosti, pored potrebe za renoviranjem prostorija ukazana je i potreba za reorganizacijom sigurnosnog sistema, te je isti reorganizovan u Policijsku upravu.

- Nakon 16 godina u Banoviće je vraćena PU i to je jedna vrsta nagrade za građane Banovića i uposlenike čime je ispravljena dugogodišnja nepravda - kazao je načelnik Midhat Husić i izrazio posebnu zahvalnost Vladi TK i Ministarstvu unutrašnjih poslova TK za vraćanje PU u Banoviće. Dodao je da je svakoj lokalnoj zajednici bitno da ima dobro opremljene, nezavisne policijske snage sa dobrim prostorom kako bi bezbjednost bila na zadovoljavajućem nivou.

Danas su ostvarena dva glavna preduslova za bolji nivo bezbjednosti Banovićana. Jedan uslov je tehnički kapacitet koji govori o stvaranju uslova za normalan rad policijskih službenika, a drugi je organizacijski kojim je nakon 16 godina uspostavljen sigurnosno pravosudni sistem koji ova lokalna zajednica zaslužuje.

-Sigurnost je stanje mjereno stepenom ugroženosti i na nama je sada obaveza da taj stepen ugroženosti držimo na optimalnom nivou, a sa ova dva čina stvoreni su uslovi i mi ćemo uložiti sve kapacitete da odradimo svoje zadatke - kazao je Midhat Dobenjić, načelnik PU Banovići i zahvalio se svim nadležnim što su prepoznali i uvažili neapitnu činjenicu da je sigurnosni ambijent preduslov za ekonomski, privredni i svaki drugi napredak.

